



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Solvuntur objectiones,

[urn:nbn:de:hbz:466:1-77232](#)

DISPUTATIO PRIMA

Primo quia forma alicui naturae connaturalis & propria; non potest alteri communicari naturaliter, sed supernaturaliter dumtaxat; v. g. quia substantia increata, est connaturalis Deo, non potest ulli creaturae naturaliter, sed tantum supernaturaliter communicari: Atqui essentia divina, ut habet rationem speciei intelligibilis, est propria forma intellectus divini, sicut substantia increata est proprius terminus naturae divina: Ergo non potest ulli creature naturaliter communicari.

Secundo probatur eadem Minor: Si natura creata pateretur naturaliter uniri essentiæ divinae, ut specie intelligibili, haberet vim naturalem ad illam unionem, subindeque quandam efficaciam in essentiam divinam: nam ille qui potest unire extrema, deberet habere dominium, & efficaciam in illa: Consequens est absurdum: Ergo & Antecedens.

6. Secunda ratio principalis nostræ conclusionis exponitur à D. Thoma ibidem, & art. 4. hujus questionis. Cuilibet naturæ intellectuali proprium est, ut intelligat secundum modum suæ substantiae: Sed essentia Dei nequit quidditativè cognosci, ad modum alicuius substantiae creatae: Ergo a nulla substantia intellectuali creata, naturaliter videri potest. Minor constat: Quia essentia Dei, cum sit actus purus, & infinitus, ac per se substantia, quamcumque substantiam intellectualem creatam, in infinitum excedit. Major autem in qua est difficultas, probatur primo à D. Thoma, ratione à priori. Cognitio fit secundum quod cognitum est in cognoscente: Sed cognitum est in cognoscente, secundum modum cognoscendi, quidquid enim recipitur, ad modum recipientis recipitur: Ergo cuiuslibet cognoscentis cognitionis, est secundum modum sua naturæ.

Secundo eadem Major inductione ab illo declaratur. Quatuor enim sunt genera cognoscitorum & totidem objectorum cognoscibilium. In primo ordine sunt facultates sensitivæ, qua ad objecta solùm sensibilia se extendunt. In secundo, est anima rationalis, qua simul est intellectiva, & forma corporis; & ideo cognoscit objecta modo suo essendi proportionata, que scilicet corporeæ sunt quoad substantiam, & spiritualia quoad modum, inquantum sunt à phantasmibus, & conditionibus materiae depurata, ideoque cognoscit objectum concretum quidditati sensibili, ut tamen est universale. In tertio ordine sunt substantiae separatae à materia corporea, non tamen à potentialitate, & imperfectione: scilicet Angeli, qui habent pro objecto connaturali, & proportionato, propriam substantiam, ad cuius modum omnia cognoscunt, ut docetur in Tractatu de Angelis; & idem dicendum est de anima rationali in statu separationis. Ultimum tandem ordinem constituit Deus, qui cùm sit suum esse, & actus purissimus, non habet aliam speciem per quam intelligat, nec aliud objectum motivum & terminativum, quām propriam essentiam, ut Tractatu precedentem fuisse ostendimus.

7. Ex hac ergo inductione, in primis habetur, quamlibet naturam intellectualem hoc habere proprium, ut intelligat secundum modum sua substantiae: ita quod potentia, & objectum connaturaliter cognitionis, debeant semper esse in eodem gradu, & genere immaterialitatis; licet (ut infra dicemus) illud genus latitudinem aliquam pati possit.

Secundo habetur, quod cùm Deus non sit nec

A esse possit in eodem gradu immaterialitatis, cum aliquo intellectu creato, à nullo potest connaturaliter videri. Nam si improposito, qua est inter animam unitam corpori, & Angelum, qui est substantia omnino spiritualis, & independens à corpore, impedit quominus anima possit naturaliter videre Angelum: à fortiori ille excessus, & illa improposito, que inter essentiam divinam, & intellectum humanum, vel angelicum reperitur, impedit quod homo vel Angelus, possit naturaliter videre Deum.

Denique suadetur conclusio. Quidquid intellectus humanus, vel angelicus, naturaliter de Deo intelligit, per ejus effectus cognoscit: nos quidem per sensibilia, substantia autem separatae per proprias essentias, & quidditates: Sed effectus Dei, utpote finiti, & limitati, & potentiam Dei non adæquantes, ad quidditativam Dei cognitionem non possunt nos perducere: substantia etiam Angelii, quamvis sit speculum lucidissimum, in quo perfectiori modo, quam in rebus sensibilibus, reluet divinitatis imago: est tamen longè inferior perfectioni divinae, ut finitus infinito: Ergo intellectus humanus, vel angelicus, naturæ viribus, ad quidditativam & intuitivam Dei cognitionem pervenire nequit.

§. II.

Solvuntur objectiones.

C **O**bjicies primò: Vel Deus ut est in se, continetur intra objectum adæquatum intellectus creati, vel non? Si primum dicatur, sequitur intellectum creatum posse naturaliter videre Deum: Nam quilibet potentia cognoscitiva, naturaliter ferri potest in id omne quod continetur intra ejus objectum adæquatum, v. g. oculus potest naturaliter videre omnes colores, & auditus percipere omnes sonos. Si secundum affirmatur, sequitur nullum intellectum creatum, posse ad visionem beatissimam elevari, quia nulla potentia cognoscitiva elevari potest, ad cognoscendum id quod non continetur intra limites sui objecti adæquati: visus enim v. g. non potest percipere sonos, nec auditus videre colores.

Respondeo cum D. Thoma 3. cont. Gent. cap. 54. ubi virtualiter eandem sibi objectionem proponit, & dicit quod divina substantia non sic est extra facultatem intellectus creati, quasi aliquid omnino extraneum ab ipso, sicut est sonus à visu, vel substantia immaterialis à sensu (nam ipsa divina substantia est primum intelligibile, & rotius intelligibilis cognitionis principium) sed est extra facultatem intellectus creati, sicut excendens virtutem eius, sicut excellentia sensibilia sunt extra facultatem sensuum. Quibus verbis declarat, Deum ut est in se, contineri quidem intra objectum extensivum, & adæquatè terminativum intellectus creati, non tamen intra objectum connaturale & proportionatum; & ita posse quidem ad Dei visionem supernaturaliter elevari, non tamen illum videre connaturaliter: Ad hoc enim ut aliqua potentia cognoscitiva, possit connaturaliter ferri in aliquod objectum, non solùm requiritur quod illud continetur intra limites objecti adæquatè terminativi, sed etiam quod si intra objectum connaturale, & proportionatum. Si autem queras, quodnam sit objectum adæquatum, seu terminativum, & objectum proportionatum, seu connaturale intellectus humani & angelici? Breviter respondeo:

8.

10.

DE POSSIBILITATE VISIONIS DEI. 115

- A** objectum ad equatum utriusque intellectus, esse ens ut sic, analogie commune ad creatum & in-creaturn, ad naturale & supernaturale: objectum verò proportionatum intellectus humani, esse ens concretum quidditatis sensibili, sive ens cognoscibile per conversionem ad phantasmatum, quod Caietanus, *Ens Phantasmum*, appellat: objectum verò proportionatum intellectus angelici, est propria substantia, ad cuius modum omnia cognoscit, ut supra infinituimus, & declarari solet in Tractatu de Angelis.
- ii.** Objicies secundò: Quilibet creatura potest naturaliter consequi suam beatitudinem naturalem, ut lapis centrum, & ignis locum sursum: Sed naturalis hominis beatitudo, non potest confistere, nisi in clara Dei visione: Ergo illam potest homo naturaliter consequi.
- 12.** Respondeo concessa Majori, negando Minorem: naturalis enim hominis beatitudo, in clara Dei visione non consistit: cum illa, non solum non possit viribus naturae acquiri, sed nec etiam appeti, imo nec cognosci ut possibilis, ut infra ostendemus; sed in altissima quadam, & eminentissima Dei contemplatione, & cognitione abstractua, ex rebus creatis & sensibilibus habita, ut docent Theologi 1. 2. q̄st. 3. Unde hanc solum beatitudinem habuisse homo in statu purae naturae, si in eo fuisset conditus, ut ostendemus contra Iansenium, in Tractatu de statibus art. 3.
- C** Disp. 1.
art. 2. naturae humanae.
- §. III.**
- Resolvitur secunda difficultas, & impossibilitas substantiae supernaturalis demonstratur.*
- 13.** Notandum primò, sive potius supponendum ex Tractatu de gratia: supernaturalitatem confistere in participatione quadam diminuta, alicuius perfectionis propriæ Deo, quatenus est ens à se, & ipsum esse per essentiam. Quod ut magis declaretur.
- D** Scendum est, Deum quatenus est ens à se, & plenitudo essendi, habere duo genera perfectio-
num: quædam enim sunt Dei perfectiones, quæ non possunt comunicari ad extra, secundum eam rationem formalem, quæ Deo insunt, quia oportet quod communicaretur tota essendi plenitudo, quod est impossibile. Hujusmodi autem sunt, esse à se, esse actum purum, esse simpliciter infinitum, esse trinum in personis cum una essentia, esse omnino simplicem, &c. hæc enim & similia, non possunt formaliter teperiri, nisi in eo qui habet totam essendi plenitudinem. Aliæ vero sunt perfectiones, quæ possunt ad extra com-
municari, secundum illam rationem, quæ sunt Deo propria, diminutæ tamen & imperfætæ. Hu-
jusmodi sunt, respicere divinam essentiam tanquam finem, & objectum connaturale, per cognitionem, vel amorem: licet enim hoc non pos-
sit reperiri in creatura, in eodem gradu perfectio-
nis quo reperitur in Deo, quia Deus respicit seip-
sum tanquam objectum connaturale, modo infini-
to, & omnino se adæquando, & cōprehendendo (quod nulli creaturæ, ob limitationem compete-
re potest) conferri tamen potest creaturæ, ut ref-
piciat essentiam divinam, per actus cognitionis &
amoris, tanquam finem proprium, & objectum aliquo modo connaturale. Et hoc est propriè par-
ticipare id quod est proprium Deo: nam partici-
pare aliquid, est partem illius capere, & partem relinquerre: ex eo verò quod creaturæ commu-
- A** nictatur, respicere divinam essentiam, & bonita-
tem incretam, tanquam objectum, & finem connaturalem, modo tamen finito & limitato, partem capit illius quod est Deo proprium, ten-
dientiam scilicet connaturalem in divinam essen-
tiā, & bonitatem incretam, & partem relin-
quit, modum scilicet infinitatis, illimitationis,
& comprehensionis, quo Deus seipsum respicit,
& suam essentiam, ac bonitatem infinitam, per
cognitionem, & amorem adæquat. Ex quo inferes,
in supernaturitate essentialiter includi ordinem
transcendentalem ad Deum ut in se est, &
ut transcendir totum ordinem creatum, & crea-
bilem, ut in Tractatu de gratia ostendemus. Dis/p. 2.
art. 3.
- B** Norandum secundò, aliquid posse dici super-
naturalē dupliciter: uno modo respectivè, & se-
cundum quid: alio modo absolute, & simpliciter. Primo modo dicitur supernaturale, id quod est supra naturam hujus, vel illius speciei, non
tamen est supra totam naturam creatam, sicut
cognoscere quidditativè substantias creatas sepa-
rat, est supra naturam hominis, pro isto statu:
unde non potest ei competere, nisi elevetur su-
pra suam naturam, per aliquam formam super-
naturaliter ei communicatam. Secundo modo ali-
quid dicitur supernaturale, quia est supra totam
natutram creatam, & creabilem, ut suscitare mor-
tuos, iustificare peccatores, convertere panem &
vinum, in corpus & sanguinem Christi, & similia.
- C** Notandum tertio: Prædicamentum substan-
tiæ, in hoc distingui ab accidentibus, quod cum
illud sit perfectissimum, debet esse omnibus mo-
dis completem intra suam lineam, ac proinde
habere intra illam suum proprium specificati-
vum, nec posse ab aliquo extrinseco specificari;
accidentia verò, cum non sint entia simpliciter,
sed entis entia, hoc est affectiones substantiarum, quæ
dicitur simpliciter ens, non habent suum specifi-
cativum intra propriam lineam, sed possunt
speciem emendicare ab aliquo extrinseco; & ita
relations specificantur à termino; potentia, &
habitus ab actibus, & actus ab objectis. His pre-
missis.
- D** Dicò secundò: non posse dari aliquam substan-
tiæ supernaturalem completam, cui visio beatifi-
ca sit connaturalis, & à qua lumen gloriae diman-
net tanquam proprietas. Est contra Durandum, Molinam, Ripaldam, Arriagam, & alios recon-
tores, quorum sententiam Vazquez *ineptam* vo-
cat, Nazarius *temerariam*, Bannez *insignem ignoran-
tiam*. Est tamen D. Thomæ hic articulo 5, ad
3, Capreoli, Caietani, Ferrariensis, Egidij, Ri-
chardi & aliorum, quos citat & sequitur Gonza-
lez hic disp. 26.
- Probatur primo conclusio ex fundamentis §.
præcedenti statutis. Substantia quæ connaturaliter
E videret Denm, deberet esse ejusdem puritatis,
& immaterialitatis cum illo, quia (ut ibidem
ostendimus) potentia cognoscitiva deberet esse
ejusdem immaterialitatis cum suo objecto con-
naturali, & proportionato: Sed implicat dari
creaturam, quæ sit ejusdem puritatis, & immate-
rialitatis cum Deo, ut constat: Ergo implicat dari
creaturam, quæ connaturaliter illum videat.
- Confirmatur: Quilibet natura intellectu-
lis attingit suum objectum connaturale, & propor-
tionatum, ad modum propriæ substantiarum, ut ibi-
dem demonstravimus. Sed repugnat dari aliquam
creaturam, quæ cognoscat Denm ut in se est, ad
modum propriæ substantia: Deus enim est suum
esse, actus purus, & infinitè immaterialis; quæ-

P. ij